

# CABINET CYNGOR GWYNEDD



## Adroddiad i gyfarfod Cabinet Cyngor Gwynedd

**Dyddiad y cyfarfod:** 28ain Mawrth 2023  
**Aelod Cabinet:** Y Cyngorydd Nia Jeffreys  
**Swyddog Cyswllt:** Anwen Davies, Rheolwr Rhanbarthol ARFOR  
Sioned Eirian Williams, Pennaeth Economi a Chymuned  
**Rhif Ffôn Cyswllt:** Anwen Davies 32393  
**Teitl yr Eitem:** **ECONOMI CYLCHOL GWYNEDD**

### 1. Y PENDERFYNIAD A GEISIR

Cytuno i Gyngor Gwynedd arwain ar gais grant a rhaglen i ddatblygu cynlluniau blaengar yn y maes gwaith economi cylchol.

Awdurdodi'r Pennaeth Economi a Chymuned a'r Pennaeth Cyllid i dderbyn cynnig grant Economi Gylchol gan Llywodraeth Cymru a sefydlu trefniadau priodol ar gyfer cyflawni'r rhaglen yng Ngwynedd.

Cytuno i gytundebau partneriaethol cael ei rhoi mewn lle i bob partner sy'n amlinellu gweithdrefnau i'r prosiectau unigol.

### 2. Y RHESWM DROS YR ANGEN AM BENDERFYNIAD

Mae Llywodraeth Cymru wedi gwahodd Awdurdodau Lleol i gyflwyno ceisiadau am arian grant o'i Gronfa Economi Cylchol. Mae gwahanol wasanaethau'r Cyngor wedi cydweithio ar gais i ariannu pecyn o gynlluniau blaengar yn y maes economi cylchol.

Mae angen cymeradwyaeth y Cabinet i dderbyn grant gan Llywodraeth Cymru i ariannu'r ymyraethau hyn, sy'n ymrwymiad o £5,725,687.73

|  |               |
|--|---------------|
| Gwariant 2023/2024 (Cyfalaf a Refeniw) | £3,470,980.03 |
| Gwariant 2024/2025 (Cyfalaf a Refeniw) | £2,254,707.70 |

### 3 CYFLWYNIAD

3.1 Mae'r Economi Cylchol yn flaenoriaeth gan Llywodraeth Cymru o ran y gwaith ailddefnyddio/ail-greu/ail-pwrpasu. Prif flaenoriaethau strategol Llywodraeth Cymru yn y maes yw:

- Cynyddu effeithlonrwydd adnoddau a gweithgarwch economaidd sy'n gysylltiedig â'r economi gylchol yng Nghymru.
- Lleihad yn y gwastraff a gynhyrchir a/neu symud i fyny'r Hierarchaeth Wastraff, yn enwedig o ran cynyddu ailddefnyddio ac atgyweirio;
- Cynnydd pellach mewn cyfraddau ailgylchu – gan gynnwys ar gyfer eiddo annomestig;
- Gostyngiadau mewn allyriadau sy'n ymwneud â'r economi gylchol, gan gynnwys datgarboneiddio seilwaith a gweithrediadau gwastraff a'u gwydnwch hinsawdd;

3.2 Mae'r Adran Economi a Chymuned wedi bod yn cyd-lynu'r gwaith gyda gwahanol Adrannau'r Cyngor a phartneriaid dros y 3 blynedd diwethaf i ddatblygu'r Economi Cylchol yng Ngwynedd a pharatoi cais i'w gyflwyno i Llywodraeth Cymru i ariannu pecyn o gynlluniau. Mae'r cynlluniau am alluogi Gwynedd i arwain o fewn y maes, ac yn cynnwys:

- Ymyraethau ar gyfer agenda Tlodi Bwyd - creu hybiau bwyd; annog ymgyrchoedd ail ddefnyddio bwyd ag ailgylchu dillad ysgol i gefnogi teuluoedd bregus yng Ngwynedd
- Ymyraethau Ailddefnyddio/Ail-greu/Ail-pwrpasu - nifer o brosiectau i ddatblygu cyfleoedd economaidd o greu cyfleon i ddatblygu sgiliau yn y maes technoleg gyda gofodau Ffiws
- Creu Caffis Trwsio yn y Sir
- Parhau i ddatblygu Llyfrgell y Pethau mewn partneriaeth gyda Gwasanaeth Llyfrgelloedd y Cyngor
- Datblygu Sied Werdd i Antur Waunfawr i gynyddu ailgylchu ac ail-greu.
- Rhwydwaith o Swyddogion Economi Cylchol Cymunedol i fod yn edrych ar addysgu ysgolion; creu trefi di-blastig
- Cefnogi datblygiadau i fod yn ailgylchu offer iechyd galwedigaethol.
- Creu gofod ym Methesda i fod yn unedau busnes ar gyfer busnesau sydd yn dilyn egwyddorion o ailgylchu ac ail bwrpasu. Gofod Creu
- Creu Hwb Gwyrdd i annog trigolion i fod yn ailgylchu/ail bwrpasu yn Nyffryn Nantlle.

Mae'r prosiectau yma wedi bod yn rhan o waith Economi Cylchol dros y 3 blynedd diwethaf. Y bwriad yw dysgu o'r cynlluniau hyn ac ymestyn allan i fwy o bartneriaid a chymunedau ar sail y llwyddiant dros y blynedd nesaf. Mae gwerth nodi y bydd mwy o gyfleoedd ariannol i ddod gan Llywodraeth Cymru dros y misoedd nesaf.

3.3 Rydym wedi cyflwyno'r cais i Llywodraeth Cymru ers Mehefin 2022. Rhagwelir bydd penderfyniad ar y cais mis Mawrth. Cyfanswm gwerth y cais yw £5,725,687.73 ac mae mwy o fanylion am y gwahanol elfennau wedi ei gynnwys yn y tabl isod:

| PROSIECT                    | DISGRIFIAD  | CORFF ARWEINIOL  | COST – 100% Grant | ALLBYNNAU   |
|-----------------------------|---|--|-------------------|---|
| Gofodau Ffiws/Caffis Trwsio | Parhau gyda datblygiadau gofodau creu/arloesi a datblygu rhwydwaith o Gaffis Trwsio   | Menter Môn ydi'r corff arweiniol gyda chefnogaeth gan Adran Economi  | £1,723,110        | <ul style="list-style-type: none"> <li>• Creu Gofodau Ffiws</li> <li>• Creu Caffis Trwsio</li> <li>• Swyddi Rheoli Prosiect</li> <li>• Lleihau gwastraff i dirlenwi</li> <li>• Datblygu Mentergarwch mewn gofodau a chefnogi busnesau newydd</li> </ul>                       |
| Petha/ Gofod ReMake         | Parhau gyda datblygiadau Llyfrgell y Pethau yn Blaenau Ffestiniog/ Penygroes/ Bethesda. Adnabod cyfleoedd i ehangu. Creu gofod ReMake ym Mangor | Adran Economi - Gwasanaeth Llyfrgelloedd gyda Benthyc Cymru yn arwain. O ran gofod ReMake MSParc wedi cael ei adnabod i arwain gyda Benthyc Cymru. | £890,154          | <ul style="list-style-type: none"> <li>• Cynyddu nifer o eitemau yn gallu cael eu benthyc</li> <li>• Lleihau gwastraff i tirlenwi</li> <li>• Creu Gofod amlbwrpas creu/ailpwrpasu</li> <li>• Swyddi Rheoli Prosiect</li> <li>• Datblygu gwasanaethau Llyfrgelloedd</li> </ul> |
| Hwb Gwyrdd – Siop Griffiths | Cymryd perchnogaeth o adeilad i greu Hwb Gwyrdd i ddatblygu cynlluniau yn y maes ailgylchu/ ailpwrpasu  | Siop Griffiths   | £249,077          | <ul style="list-style-type: none"> <li>• Trawsnewid hen adeilad</li> <li>• Datblygu'r Stryd Fawr</li> <li>• Creu Swyddi</li> </ul>  |
| Yr Hen Bost, Bethesda       | Datblygu gofod Stryd Fawr i ofod pwrpasol ar gyfer gwaith 'Gwyrdd' Unedau Busnes, Gofod Creu a thrwsio  | Partneriaeth Ogwen   | £250,000          | <ul style="list-style-type: none"> <li>• Unedau Busnes</li> <li>• Annog busnesau i'r Stryd Fawr</li> <li>• Creu Swyddi</li> </ul>   |

|                           |   |   |            |   |
|---------------------------|---|---|------------|---|
| ALTro                     | Prosiect i ail ddefnyddio offer iechyd Galwedigaethol   | BIC Innovation, Antur Waunfawr a Byw Bywyd a phartneriaethau eraill | £350,921   | <ul style="list-style-type: none"> <li>• Creu Swyddi pwrpasol i ddatblygu'r cynllun ymhellach</li> <li>• Cynnig offer iechyd galwedigaethol i bobl Gwynedd</li> <li>• Lleihau gwastraff i dirlenwi</li> </ul> |
| Sied Werdd Antur Waunfawr | Prosiect i ddatblygu gofod Gwyrdd newydd yn Warws Werdd. Cyfle i neud mwy o waith ailgylchu/ ailpwrpasu   | Antur Waunfawr  | £150,100   | <ul style="list-style-type: none"> <li>• Cynyddu eitemau a all gael ei aildefnyddio/ ail-greu</li> <li>• Lleihau gwastraff i dirlenwi</li> </ul>  |
| DOLAN                     | Prosiect i greu 3 swydd Economi Cylchol yn Blaenau Ffestiniog/ Penygroes/ Bethesda. Plethu gyda Llyfrgell y Pethau  | Partneriaeth Ogwen Siop Griffiths Antur Stiniog                     | £290,308   | <ul style="list-style-type: none"> <li>• 3 Trefi Di Blastig</li> <li>• Ymgyrchoedd penodol Economi Cylchol</li> </ul>   |
| Ar y Lôn                  | Prosiect i fynd a MSParc i ardaloedd Gwynedd mynd a Thechnoleg a Gwyddoniaeth i ardaloedd gwledig - Pwllheli i baratoi am yr Eisteddfod Blaenau Ffestiniog; Penygroes | MSParc  | £124,300   | <ul style="list-style-type: none"> <li>• Gofod Pop Up 6 mis</li> <li>• Nifer yn Dysgu am Dechnoleg a Gwyddoniaeth</li> </ul>  |
| Pantri Bwyd               | Cynllun i ddatblygu a chefnogi Hybiau Bwyd yng Ngwynedd i ymateb i'r gwaith o gefnogi teuluoedd a chymunedau bregus.  | Adran Plant a Chefnogi Teuluoedd                                    | £1,095,889 | <ul style="list-style-type: none"> <li>• Creu a datblygu hybiau bwyd</li> <li>• Ymateb i heriau tldi bwyd yng Ngwynedd</li> <li>• Lleihau gwastraff bwyd</li> </ul>   |
| Rheolaethol               | <ul style="list-style-type: none"> <li>• Monitro a Gwerthuso</li> <li>• Swyddog Prosiect yn Economi a</li> </ul>  | Adran Economi i arwain a'r gwaith monitro a                         | £682,828   | 5 Swydd Cydlynu/Rheoli Prosiect   |

|  |   |   |  |   |
|--|---|---|--|---|
|  | <ul style="list-style-type: none"> <li>• Swyddog Prosiect Economi Cylchol yn Adran Priffyrdd a YGC i Gymunedau Glan a Thaclus</li> <li>• Swyddogion newid Ymddygiad a Rheolwr Prosiect i Adran Amgylchedd</li> <li>• Gwaith Marchnata i'r cynllun yn drawsadrannol</li> <li>• Gwaith astudiaeth achos ar weledigaeth canolfannau ailgylchu</li> </ul> | gwerthuso a chydlynu hawliadau i Lywodraeth Cymru Swyddog i Adran Priffyrdd i gyd fynd hefo gwaith Cymunedau Glan a Thaclus a swyddogion i Adran Amgylchedd i gefnogi gyda chreu'r weledigaeth newydd i'r Gwasanaeth Gwastraff ag Ailgylchu |  | Ymgyrch Marchnata i Wynedd Cefnogi'r weledigaeth i gynyddu targedau ailgylchu yn y Sir. |
|--|---|---|--|---|

3.4 Mae'r Rhaglen yn cyfrannu tuag at flaenoriaeth Cynllun y Cyngor fel a ganlyn:

### **Cynllun Argyfwng Hinsawdd a Natur**

Hyrwyddo economi gylchol er mwyn lleihau nifer yr eitemau sy'n cael eu gwaredu a lleihau allyriadau carbon yn y gadwyn gyflenwi o brynu nwyddau newydd

### **Rhaglen Cefnogi Pobl**

Cyfrannu tuag at yr agenda tlodi bwyd sy'n rhan o ymateb y Cyngor i'r argyfwng costau byw. Mae'r gweithgarwch yn y cais hefyd yn cyfrannu tuag at y Fframwaith Gwydnwch Cymunedol drwy adeiladu ar y ddarpariaeth tyfu, paratoi, coginio bwyd, hybiau cynnyrch lleol sydd yn yr Hybiau Cefnogi Pobl.

### **Economi a Chymuned**

Cyfrannu tuag at y gwaith ehangach o gefnogi busnesau i ffynnu;

- Annog mentrau lleoli ddatblygu a chreu a chynnal swyddi
- Hybu Canol Trefi

### **Amgylchedd**

Mae'r cais yma yn cefnogi ymgyrch i gynyddu targedau ailgylchu ag i hyrwyddo egwyddorion a gwaith yr economi cylchol yn ehangach.

Mae'r cais yn cynnwys adnoddau ar gyfer penodi Swyddogion i gydlynu gweithgareddau ac i sicrhau ein bod yn cyflawni yn unol â gofynion, telerau ac amodau'r grant. Bydd gwaith yn digwydd i greu strwythur mewnol i sicrhau fod yr holl weithgareddau ar draws adrannau yn cael ei gydlynu a bod nhw yn cael eu bwydo i mewn i'r Cynllun Newid Hinsawdd.

Bydd allbynnau'r rhaglen yn cyfrannu tuag at ddata a thargedau aildefnyddio statudol i Adran Amgylchedd.

#### **4 RHESYMEG A CHYFIAWNHAD DROS ARGYMELL Y PENDERFYNIAD**

Mae hwn yn gyfle i Gyngor Gwynedd fod yn flaengar yn y maes Economi Gylchol. Hefyd, yn gyfle i ddatblygu prosiectau sydd am ddatblygu a chyfnerthu cymunedau Gwynedd. Drwy fod yn arloesol yn eu hymatebion i heriau cymunedol o ran darparu cyfleoedd a gwasanaethau i drigolion y Sir e.e. cyfleoedd hyfforddiant; cyfleoedd mentergarwch; datblygu sgiliau; cyfleoedd busnesau newydd; creu a gwarchod swyddi; datblygu a chryfhau'r gadwyn cyflenwi ag ymateb i heriau trechi dlodi o fewn ein cymunedau.

#### **5 CAMAU NESAF AC AMSERLEN**

Disgwylir cymeradwyaeth gan Lywodraeth Cymru ym mis Mawrth 2023.

Gweithredu trefniadau rheolaethol a chomisiynu partneriaid (Mawrth 2023 ymlaen) gyda'r holl weithgarwch i gychwyn o fis Ebrill 2023 ymlaen hyd ddiwedd Mawrth 2025.

#### **6 UNRHYW YMGYNGHORIADAU A GYNHALIWDYD CYN ARGYMELL Y PENDERFYNIAD**

*sylwadau'r Swyddogion Statudol*

*Prif Swyddog Cyllid*

*"Nid oes gennyf wrthwynebiad i'r penderfyniad a geisir. Fel mae'r adroddiad yn egluro, bydd y grant arfaethedig yn rhoi cyfle i Gyngor Gwynedd gefnogi ystod o fentrau cymdeithasol. Gallaf gadarnhau bydd swyddogion Cyllid yn cefnogi'r Adran Economi a Chymuned wrth weinyddu unrhyw arian grant byddwn yn ei dderbyn o'r Gronfa Economi Cylchol."*

*Swyddog Monitro*

*"Bydd yn bwysig fod trefniadau ar gyfer cytundebau ariannu mewn unwaith y bydd y pwynt yna wedi ei gyrraedd."*